



KOMUNIKADO PA PRENSA

Fecha
26 MEI 2016

Kolaboradó di Maneho
Corinne Leysner

Email
corinne.leysner@gobiernu.cw

TRABOUNAN TA SIGUI NA STA.ROSAWEG DEN DIREKSHON DI TONI KUNCHI

Willemstad – Riba djaluna dia 30 di mei próksimo trabounan pa drecha kaya ta kuminsá na Sta. Rosaweg, for di altura di Kooyman te na Toni Kunchi. Tráfiko mester pasa via un desviashon na Penelopeweg, via di Daphneweg pa Seru Loraweg. Negoshinan konektá na e kaminda paralelo di Kooyman pa Paseata ta asesibel solamente via di Didoweg durante di e periodo di konstrukshon.

Sta.Rosaweg ta un kaminda importante pa Kòrsou ku hopi tráfiko ku ta pasa den dje. For di aña pasá, Obra Públiko a kuminsá ku diferente trayekto den fase pa drecha e kaminda. E trabounan mester bai den fasenan pa motibu ku no por sera e kaminda pa hasi tur trabou den un tiru. E trabounan aki, ku pa algun aña kaba tabata nesesario, a bira posibel despues ku Minister Suzy Camelia-Römer a instalá un Komishon di Infrastruktura pa evaluá e diferente proyektonan i pa despues, ku koperashon di Minister Jardim di Finansa, pone e fondonan nesesario disponibel.

E trabounan ta dura kuater siman i ta na enkargo di Curacaose Wegenbouw Maatschappij. Durante di e trabounan ta kita e kapa di asphalt, ta kita fundeshi aktual i pone fundeshi di kalksteen. Despues ta pone bant di beton nobo, pone asera di klenku nobo i un kapa di asphalt nobo. Ta krea un area bèrdè tambe. E trabounan por sòru temporalmente pa molèster pa habitantenan i negoshinan den e area. Por fabor tene debito kuenta ku e trabounan i di antemano danki pa e koperashon.